

Estimatissim senior professor & co-idealist!

Vu mey *kar* perdonar que yo responde tam tarde a vestri lettre e remersia vos solmen hodie por li interessant lectura inuiat me ! Ma ad unesim yo hat ancor a far o finir un liste de omni verbes del latin duesim e triesim conjugation e li consecutiv propositiones , ad duesim yo volet far experimentes con li lectura quem Vu hat spe- dit me .

Por commensar con li experimentes ! Yo self naturalmen es latinist, havente fat li complet gymnasie de 8 classes in Einsiedeln ! Do, yo self naturalmen comprende sat bene Interlingua . Ma nonobstante to , mem yo non potet comprender cert frases , mem percurrente e perstudian- te les pluri vezes ! It esset quasi sam quam yo havet ante me un scrip- te de quelc *latin* autor !

E nu yo deve dir : Si tal cos acade mem ad un latinist , it absolutmen deve acader in mult plu grand extension a non-latinistes ! Yo dat a leger "Coquina vegetale a mi femina quel ha esset , in su yunesse in pensiones frances e italian (Lugano) - Ma illa esset incapaci tradu- cer tre mult frases durantque illa no have difficultà leger Occidental. (admirim ordinari frases).

Interlingua certmen es un interessant essaye reviver li antiqui latin e poter usar li vocabularies latin ! Ma mem usante vocabules quel , in alqual form , trova se ancor in angles , ti vocabules non plu es compren- det si illes non have li form modern !

Li vocabul "bello" non plu es reconosset *oub* li notion latin "Bellum", ma solmen sub li notion " bello"=adjectiv italian , hispan , frances etc . Li verbe "ute" non plu es reconossibil mem si in angles noi have + uti- lity , useful etc ! Etcc.

Do , si Interlingua vell esser comprehendet anc de non-latinistes it deve introducir li modern international vocabules : bello = beau , usar = uti latin etc . !

Yo crede anc que li manca de omni articules desfacilisa tro li compren- sion ! In Latin & li lingues slavie (excepte bulgar) li manca del arti- cules es substituet per li persistentie del casus : Sin casus & sin articul (admirim definitiv) it es mult plu desfacil trovar li subject . Yo concede que li election de un bon neutral articul definitiv es tre difficil . Li maxim bon & neutral articul definitiv vell esser : "de" quel es comprensibil ad omni germanes & neutri anc por omnes (con exception de hollandes "het") Admirim li germanes no vell esser chocat per : de mann , de frau , de kind ! E quam articul indefinit "a" anc vell esser tre bon : a mann , a frau , a kind etc ! Ma , usante ti articules noi vell ~~XXXXXXXXXXXXXXXXXXXX~~ dever mutar li *particules* "de" & "a" - ~~xxx~~ por li formation del casus ! E li lingue vell devenir mi-angles & pro to minu homogen , minu immediatmen comprensibil !

Yo totalmen concorda con vos que li basi essentialmen latin-roman dev'esser conservat ! Yo age mem , in concordantie con mult altri occi- dentalistes por li augmentation del latin-roman homogenità in Occidental malgrat yo es german !

Ma yo calcula talmen : Voler arear un lingue mixt (roman-german) ^{es} absurd e fals ! Qui vole haver un tal lingue mey studiar "angles" . Un lingue mixt non augmenta li comprensibilità ma diminue o destruel it. Li numere del persones , conessent o latin o quelc lingue roman es tre grand , anc inter li germanes e slaves - Omni tis va plu beh & immediat- men ~~poter XXXXXXXX~~ comprender un lingue international sub form latin-roman quam sub form mixt !

Li lingue international : "Lingue uniti" pro to noquande va trovar approbation ! Anc non pro un altri cause : li manca de eufonie ! Li eufonie -secun mi opinion- es un tre important factor in un lingue in- ternational e yo self age ja desde mensus por li abolition de cert

